



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<15>> ապրիլի 2021թ.

Ո Ր Ո Շ ՈՒ Մ No. 650/06-Վ

Չկատարված հարկային և դրոշմանիշային վճարի գծով պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ՀԱԱԱՀ Ա/Կ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների ՀԱԱԱՀ Ա/Կ-ի (ՀՎՀՀ 02207204, հասցե՝ ք. Երևան, Մասիսի 18, պետ. գրանցման համարը՝ 269.080.00021) չկատարված հարկային պարտավորությունը <17> մարտի 2021թ.-ի դրությամբ կազմել է 2.812.081 դրամ, որից ապառք՝ 1.267.676 դրամ, տույժ՝ 922.585 դրամ, տուգանք՝ 555.820 դրամ, իսկ դրոշմանիշային վճարի գծով 66.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, չի ներկայացրել վարույթի նյութերին ծանոթանալու համար և որևէ բացատրություն չի տվել:

ՀՀ ԿԱ ՊԵԿ իրավաբանական վարչության պետի կողմից 11.02.2019թ.-ին կայացվել է չվճարված հարկային պարտավորությունները գանձելու մասին թիվ 3019-6 Ա որոշումը, որի շրջանակում վճարման ենթակա գումարը եկամտային հարկի գծով կազմում է 191.795 դրամ /ապառք՝ 186.300 դրամ, տույժ՝ 5.495 դրամ/, սեցիալական վճարի /ամսական/ գծով կազմում է 6.177 դրամ /ապառք՝ 6.000 դրամ, տույժ՝ 177 դրամ/:

Հաշվի առնելով, որ վերոնշյալ պարտավորությունների գանձմանն ուղղված վարչարարության արդյունքում վարչական ակտերտույն ներառվելու են նաև ՀՀ հարկային օրենսգրքի 401-րդ հոդվածով հաշվարկված տույժերի գումարները, ուստի սույն որոշման մեջ չի ներառվում նաև եկամտային հարկի գծով հաշվարկված 80.615 դրամ տույժի գումարը, սոցիալական վճարի /ամսական/ գծով հաշվարկված 2.594 դրամ տույժի գումարը:

Նկատի ունենալով, որ 2018թ.-ի հոկտեմբեր ամսվանից հարկային պարտավորությունների առկայության դեպքում վարչարարությունն իրականացվում է էլեկտրոնային ծրագրի միջոցով, ուստի սույն որոշման մեջ չի ներառվում առևտրային կոոպերատիվի կողմից ներկայացված 2019թ.-ի հունվար, մարտ ամիսների համար հաշվարկված սոցիալական վճարի /ամսական/ 5.718 դրամ գումարը /ապառք՝ 4.000 դրամ, տույժ՝ 1.718 դրամ/, եկամտային հարկի 2019թ.-ի հունվար, մարտ ամիսների համար հաշվարկված 148.200



դրամ գումարը /ապառք՝ 103.500 դրամ, տույժ՝ 44.700 դրամ/, շրջանառության հարկի 2019թ-ի 1-ին եռամսյակի համար հաշվարկված 3.972 դրամ գումարը /ապառք՝ 2.800 դրամ, տույժ՝ 1.172 դրամ/:

<Ա.Ա.Ս.> Ա/Կ-ի եկամտային հարկի գծով 12.000 դրամ գումարը և պարտադիր սոցիալական ապահովության վճարի գծով 6.000 դրամ գումարը առաջադրվել է 10.11.2011թ-ի թիվ 1101017 ստուգման ակտով, ինչը ենթակա է գանձման սույն որոշմամբ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային և դրոշմանիշային վճարի գծով պարտավորությունը կազմում է **2.355.010** դրամ, որից՝

շրջանառության հարկի գծով պարտավորությունը կազմում է 35.611 դրամ, որից ապառք՝ 17.850 դրամ, տույժ՝ 9.471 դրամ, տուգանք՝ 8290 դրամ, որն առաջացել է 2018թ-ի 1-ին – 2-րդ եռամսյակների հաշվարկներից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ, 24-րդ հոդվածներով /ուժը կորցրել է 01.01.2018թ-ին/ և << հարկային օրենսգրքի 401-րդ հոդվածով հաշվարկված տույժերից և տուգանքներից,

եկամտային հարկի գծով պարտավորությունը կազմում է 1.541.270 դրամ, որից ապառք՝ 905.811 դրամ, տույժ՝ 542.129 դրամ, տուգանք՝ 93.330 դրամ, որն առաջացել է 2017թ-ի հունիս – 2018թ-ի սեպտեմբեր ամիսների եկամտային հարկի և սոցիալական վճարի ամսական ամփոփ հաշվարկներից, իրավահարաբերության ծագման պահին գործող <<Հարկերի մասին>> ՀՀ օրենքի 23-րդ, 24-րդ հոդվածներով /ուժը կորցրել է 01.01.2018թ-ին/ և << հարկային օրենսգրքի 401-րդ հոդվածով հաշվարկված տույժերից և տուգանքներից,

սոցիալական վճարի /ամսական/ գծով պարտավորությունը կազմում է 35.755 դրամ, որից ապառք՝ 23.413 դրամ, տույժ՝ 12.342 դրամ, որն առաջացել է 2017թ-ի հոկտեմբեր, 2018թ-ի ապրիլ-սեպտեմբեր ամիսների եկամտային հարկի և սոցիալական վճարի ամսական ամփոփ հաշվարկներից և <Կուտակային կենսաթոշակների մասին>> ՀՀ օրենքի 71-րդ հոդվածով հաշվարկված տույժերից,

պարտադիր սոցիալական ապահովության վճարի գծով պարտավորությունը կազմում է 676.371 դրամ, որից տույժ՝ 222.171 դրամ, տուգանք՝ 454.200 դրամ, որն առաջացել է 2007թ-ի մարտ, հուլիս, 2010թ-ի մարտ, հունիս, սեպտեմբեր, դեկտեմբեր, 2011թ-ի մարտ, հունիս ամիսների համար հաշվարկված պարտավորությունը ուշ վճարելու արդյունքում հաշվարկված տույժերից և հաշվարկները ուշ ներկայացնելու համար հաշվարկված տուգանքներից:

դրոշմանիշային վճարի գծով պարտավորությունը կազմում է **66.000** դրամ, որն առաջացել է 2017թ-ի հունվար – 2019թ-ի հունվար, մարտ ամիսների համար եկամտային հարկի և սոցիալական վճարի ամսական հաշվարկներից:

Գանձման ենթակա չկատարված հարկային պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ << հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Սույն որոշումն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք << պետական եկամուտների կոմիտեի կողմից կհամարվեն հիմնավոր, հարկային մարմինը << հարկային օրենսգրքով սահմանված արգելադրման գործընթաց չի իրականացնի:

Վերոգրյալի հիման վրա, ղեկավարվելով << հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 6-րդ մասով, <<Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին>> ՀՀ օրենքի 13, 14, 15 հոդվածներով և



<<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <Ա.Ա.Ս.> Ա/Կ-ից գանձել **2.355.010** դրամ պարտավորության գումար, ինչպես նաև սույն որոշման կատարման օրվա դրությամբ ՀՀ հարկային օրենսգրքով կամ օրենքով սահմանված կարգով հաշվարկված տույժերը:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Կատարող՝ ԻՎ ՀԳ և ՊԿԱ բաժին,
գլխավոր մասնագետ
Ա. Գալստյան, հեռ.
հեռ. 011-54-91-91/91-95/



ՀՀ ՊԵՏԱԿԱՆ
ԵԿԱՄՈՒՏՆԵՐԻ